

補晉書藝文志附錄
補遺（二）
補晉書藝文志刊誤





續書畫錄文卷三
明書畫錄文卷三

補晉書藝文志刊誤

丁辰述錄

中華書局

叢書集成初編

補晉書藝文志（及其他一種）二冊

中華書局出版發行

（北京王府井大街三十六號）

北京石景山區中華書局印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

補晉書藝文志刊誤

此據史學叢書本
排印初編各叢書
僅有此本

補晉書藝文志刊誤

常熟丁辰述錄

甲部

皇甫謐周易解 士安解易未必有專書當入附錄。

袁準儀禮音一卷 舊唐志無誤出常刪。

阮籍樂論 與樂經無涉當刪下二論同。

裴秀樂論 刪。

嵇康聲無哀樂論 刪。

春秋穀梁傳鄭氏說一卷 一卷字當刪。

汜毓春秋三傳集解 毓無是書當刪。

李彤字偶五卷 當入附錄。

乙部

劉兆漢書音義 遍檢文選注惟韋賢諷諫詩下曾引兆旁言曰譜四字此當爲兆所注公羊穀梁傳中
文非真漢書注也王謨輯旁言曰譜句入兆公羊注甚允注據汪師韓文選理學權輿列入殊未覈當

改入附錄。

司馬彪漢書音義 注亦據汪氏文選理學權輿所列目著錄。詳覈之。彪祇有子虛、上林賦注耳。已入集部。此當刪。

呂忱漢書音義 攷水經涑水篇注。引漢書下有呂忱說。乃忱所著之字林。長楊賦注引呂忱曰。誇大言也。亦本之字林。伯雍實無漢書注也。注誤據文選理學權輿所列目。當更入附錄。

鄧粲晉陽秋三十二卷 當入附錄。

田融趙書十卷 據隋志一曰二石集。知是書本有二名。兩唐志出融趙石記。二石集各二十卷。卽此。因一書二名。遂爾誤衍。且譌多卷數也。通志霸史類列此書作二十卷。二字誤文。注誤據唐志。謂足補隋志之佚。殊未數。

田融趙石記二十卷 卽十卷本之趙書。不應複列。當入附錄。

田融二石記二十卷 亦卽十卷本之趙書。當入附錄。

永平故事一卷 誤列入。當刪。

荀氏靈鬼志三卷 改入附錄。

袁氏世紀 魏志袁渙傳注引此。載渙不取呂布軍中物云云。御覽亦引之。云出袁子正論。是世紀乃正論中之一篇。裴注引袁氏世紀本有此準自序也之語。今子部已錄正論十九卷。則世紀不應別出。當

刪。

王範交廣二州記一卷。是書本名交廣二州春秋。見裴松之吳志注。孫策傳注。後漢郡國志注。水經注均引作交廣春秋。七錄。隋志不著錄。知亡佚已久。唐志之一卷。當是殘帙。且譌春秋爲記。致與黃義仲書混淆。黃書列後。後人猝難審別。貽誤殊甚。注語未詳。數當改正。

苗恭十四州記。黃譌苗。注語當改。云見御覽州郡部三。或作黃恭交廣記。職官部五十三。或作黃義仲交廣記。人事部十三。或作黃義仲交廣二州記。職官部六十三。皆是書。義仲恭字也。水經河水篇注。引作黃義仲。亦解其字。藝文類聚地部引苗恭十四州記。當因苗黃形近而譌。恭時地無攷。玉海附是書。亦譌苗恭於晉地道記下。蓋以爲晉人也。今據以入錄。如是方翔實。水經河水篇注。引作十三州記。晉姓氏簿據。注末當增事亦具齊書文學傳中賈淵傳十二字。

丙部

基母遽孟子注九卷。注末當增孟子正義以遽爲梁時人。蓋誤解隋志注中梁有二字致譌。凡二十三字。

殷興通語十卷。舊唐志作文禮撰。殷興續。新志作文禮通語。云殷興續。仍十卷。意林作八卷。無撰人。吾師黃元同先生曰。殷禮子基作通語。詳裴松之吳志注。當得其實。隋唐志均十卷。較意林多二卷者。蓋殷基通語本止八卷。殷興續之爲十卷。唐志所云殷興續。當亦得其實。其以爲文禮撰者。基自序其書。

有父禮字德嗣云云。讀者誤切爲文禮耳。禮。吳零陵太守。基。吳無難督。與。晉尙書左丞。馬竹吾輯此書序。誤以與爲基之字。又以其官職不符。遂謂吳亡入晉。未免武斷。所考致確。注沿馬氏之譌。當改正。

羊祜老子注二卷。卽祜之解釋而誤複出。故隋志釋文敘錄均不載。當入附錄。

葛洪老子道德經序訣二卷。疑卽七錄之葛仙翁老子敘次一種。唐志譌葛洪。又譌次爲訣。故仙翁老子敘次。唐志反不載也。當入附錄。

杜氏幽求新書二十卷。唐志作杜氏幽求子三十卷。意林標題書名同唐志。卷數同隋志。吾師黃元同先生曰。杜氏新書。乃篇論。非幽求子。隋志并題新書。唐志云三十卷。均誤。當以意林爲得實。所致致駁。注應依改。

阮籍通老論。文章篇目。非書也。刪。

李嵩行事記。應移入乙部雜傳記類。

王叔和脈訣一卷。譌書。當入附錄。

金匱要略方三卷。與金匱玉函經各自爲書。注誤。當刪。

丁部

光祿大夫荀崧集三卷。一譌三。

吳興孝廉紐滔集五卷。紐應據何氏姓苑廣韻引。改鈕。

征西將軍張望集十二卷 御覽三十載桓溫參軍張望有正月七日登高詩疑與此爲一人七錄將軍

字殆參軍之譌

車騎長史謝朗集六卷 奪錄一卷三字

太常卿王珉集十卷 奪錄一卷三字

給事中徐乾集 禪譌乾

李軌齊都賦音一卷 當從七錄作左思撰太冲齊都賦有自注史記集解文選注屢引之卽七錄所云音也唐志差誤甚多以音爲軌作殆由於誤讀隋志注而然不必以此致疑孝緒此卷當并入上一卷著錄

二京賦二卷 賦下當補音字攷一切經音義卷六妙法蓮華第二卷出蔓蔕云西京賦云其形蔓蔕李洪範音蔓忘怨反蔕餘戰反據此則二京賦下脫音字甚明注語胥誤當刪

葉母蓬三都賦注三卷 攷御覽卷二十八引蓬魏都賦注卷九百二十八引蓬蜀都賦注劉廣禧瑞引蓬魏都賦注則蓬注三都確有明證唐志通志之譌正無待辨也注語不足據當刪

三法度論序 論字衍

大十二門注解二卷 卽隋衆經目錄所載之十二門經注解也復出當刪

陰特入注解二卷 卽隋衆經目錄所列之陰特入經注解也復出當刪

光讀析中解一卷 此同下一卷。即隋衆經目錄所列之光讀般若略解二卷本。分而爲二。復出當刪。
光讀妙解一卷 攷具上條刪。

小十二門注解一卷 即隋衆經目錄所列之十二門禪經注解也。復見當刪。

了本生死注解一卷 即隋衆經目錄之了本生死經注解也。復見當刪。

大道地解一卷 即隋衆經目錄之大道地經注解也。復出刪。

賢劫諸度無極解一卷 即隋衆經目錄之賢劫經略解也。復出當刪。

安解守意解一卷 即隋衆經目錄之安般原諫般若當改正。經注解也。復出刪。

密跡持心二經甄解一卷 即隋衆經目錄之持心梵天經略解。金剛密跡經略解。二種合而爲一。復出當刪。

人本欲生注撮解一卷 即隋衆經目錄之人欲生經注解。復出當刪。

附錄類刊誤

何顥傳一卷 非晉人刪。

蒲元傳 非晉人刪。

張嗣老子注二卷 陸氏釋文。列嗣於袁真。張憑。孫登中。其爲晉人無疑。當更入子部道家類。

郭璞周易玄義經一卷 一書兩見。當刪其一。